



Na osnovu člana 69. stav (1) tačka b) i člana 70. Zakona o javnim nabavkama („Službeni glasnik Bosne i Hercegovine" broj 39/14) i člana 18. Poslovnika Centralne izborne komisije Bosne i Hercegovine („Službeni glasnik BiH br. 50/07, 33/09, 24/13 i 32/14), na preporuku Komisije za javnu nabavku usluga poštanske dostave izbornog materijala za glasanje putem pošte za Opće izbore 2018. godine od 10.05.2018. godine, Centralna izborna komisija Bosne i Hercegovine je na 19. sjednici održanoj 10.05.2018. godine, d o n i j e l a

ODLUKU o poništenju postupka

(1) Poništava se postupak javne **nabavke usluga poštanske dostave izbornog materijala (obrazaca za prijavu za glasanje izvan BiH i instrukcijsko pismo) na adrese biračima u inostranstvu za glasanje putem pošte za Opće izbore 2018. godine – LOT 1** izvršen primjenom ponovnog pregovaračkog postupka za dostavu ponuda bez objave obavještenja o nabavci broj: 07-2-16-3-479-1/18 od 03.05.2018. godine, jer ponuđena cijena ponuđača „JP BH Pošta“ d.o.o. u iznosu od 109.790,25 KM sa uračunatim popustom u iznosu od 15% je znatno veća u odnosu na osigurana sredstva za predmetnu nabavku, čiji iznos je 60.000,00 KM.

(2) Obavještenje o poništavanju iz stava (1) dispozitiva ove odluke objaviti na „Portal javnih nabavki“, u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacioni sistem „E-nabavke“ („Službeni glasnik BiH“, broj 90/14 i 53/15).

Obrazloženje

Postupak javne **nabavke usluga poštanske dostave izbornog materijala (obrazaca za prijavu za glasanje izvan BiH i instrukcijsko pismo) na adrese biračima u inostranstvu za glasanje putem pošte za Opće izbore 2018. godine – LOT 1** izvršen je primjenom ponovnog pregovaračkog postupka za dostavu ponuda bez objave obavještenja o nabavci. Poziv za dostavu početne ponude je upućen na adrese tri poštanska operatera u Bosni Hercegovini. Do krajnjeg roka za dostavu ponuda, primljena je samo jedna ponuda ponuđača „JP BH Pošta“ d.o.o. Sarajevo. Ponuđena je konačna cijena, koja glasi na iznos 109.790,25 KM u koju je uračunat popust u iznosu od 15%.

Procijenjena vrijednost javne nabavke je 60.000,00 KM, a na predmetne usluge se ne plaća PDV.

Komisija za javne nabavke imenovana Odlukom broj: 07-2-16-3-98-2/18 od 01.02.2018. godine, izvršila je pregled i ocjenu ponude o čemu je sačinila Zapisnik o pregledu i ocjeni ponuda broj: 07-2-16-3-479-10/18 od 10.05.2018. godine, koji je u prilogu ove odluke. Obzirom da je ponuđena konačna cijena ponude u iznosu od 109.790,25 sa popustom, znatno veća od osiguranih sredstava za javnu nabavku u iznosu od 60.000,00 KM, Komisija za javnu nabavku je i predložila Centralnoj izbornoj komisiji Bosne i Hercegovine donošenje odluke o poništenju ovog postupka u smislu člana 69. stav (1) tačka b) i stav (2) tačka e) Zakona o javnim nabavkama.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od deset dana od dana prijema ove odluke.

Broj: 07-2-16-3-479-11/18
Sarajevo, 10.05.2018. godine

Dostavljeno:

1. Ponuđaču
1. Na internet stranicu CIK BiH www.izbori.ba
2. a/a



Predsjednica

Dr. Irena Hadžiabdić